

擊<sub>音</sub><sub>反</sub><sub>一</sub> 糜草<sub>上</sub><sub>而羊反</sub> 沮敗<sub>上</sub><sub>才呂反</sub> 二枚<sub>下</sub>  
梅否<sub>毗美反</sub> 穎鈍<sub>困反</sub> 貲財<sub>斯反</sub> 牀檜<sub>塔下音</sub>  
珍琦<sub>塞也下音</sub> 瘦屣<sub>下所綺反</sub> 澡罐<sub>上音早下音</sub> 閨  
暗輕侮<sub>奇下音</sub> 翠賓<sub>反鞋上居倒國名</sub> 暴漲<sub>淨瓶也下知向反</sub> 過  
拔<sub>上竹瓜反</sub> 流溢<sub>下夷反</sub> 跛迫<sub>大也上子反</sub> 攢採<sub>水泛大也上子反</sub>  
鎮府<sub>五穀反廬也</sub>

### 法句譬喻經卷第三

獸五

西晉沙門法炬共法立譯

#### 老耄品第十九

昔佛在舍衛國祇樹精舍食後爲天人帝王  
臣民四輩弟子說甘露法時有遠方長老婆  
羅門七人來至佛所稽首於地叉手白佛言

僧明義

命欲盡佛哀愍之起至其房而告之曰卿等  
爲道當求度世何爲大笑一切衆生以五事  
自恃何謂爲五一者恃怙年少二者恃怙端  
正三者恃怙多力四者恃怙財富五者恃怙  
貴姓卿等七人小語大笑爲何恃怙於是世  
尊即說偈言

何喜何笑 念常熾然 深蔽幽冥 不如求定  
見身形範 倚以爲安 多想致病 岂知不真  
老則色衰 病無光澤 皮緩肌縮 死命近促  
身死神徙 如御棄車 肉消骨散 身何可怙  
佛說偈已 七比丘意解望止即於佛前逮得  
阿羅漢道

僧明義  
昔佛在舍衛精舍爲諸天人帝王說法時有  
婆羅門村五百餘家中有五百年少婆羅門  
修婆羅門術爲人憍慢不敬長老貢高自貴  
人覩見世尊尋得爲道不惟無常共坐房中  
但思世事小語大笑不計成敗命日促盡不  
與人期但共喜笑迷意三界佛以三達智知  
來論議事事詰問知爲何如即辦供具往請

佛來佛與諸弟子往到梵志村中坐畢行水

食訖裸手時有長老梵志夫婦二人於此村中共行乞丐佛知其本大富無比曾作大臣佛即詰問年少梵志汝等識長老婆羅門不皆言曾識又問本爲何似也日本爲大臣財富無數今者何故復行乞丐皆言散用無道

是以守貧佛告婆羅門世有四事人不能行者得福不致此貧何謂爲四一者年盛力壯慎莫橋慢二者年老精進不貪婬泆三者有財珍寶常念布施四者就師學問聽受正言如此老公不行四事謂之有常不計成敗一旦離散譬如老鵠守此空池永無所獲於是

世尊即說偈言

晝夜慢惰老不止婬 有財不施不受佛言

有此四弊爲自侵欺咄嗟老至色變作耄少時如意老見踐踏不修梵行又不富財老如白鵠守伺空池既不守戒又不積財老羸氣竭思故何逮老如秋葉行穢禮縷

命疾臥至不用後悔

佛告梵志世有四時行道得福得度可免衆苦何謂爲四一者年少有力勢時二者富貴有財物時三者得遇三尊好福田時四者當計萬物憂離散時行此四事所願皆獲必得道跡於是世尊重說偈言

命欲日夜盡 及時可勤力 世間諦非常  
莫惑墮冥中 當學然意燈 自練求智慧  
離垢勿染汙 執燭觀道地

佛說是時放大光明照耀天地五百年少梵志因此心解衣毛爲堅起禮佛足白佛言歸命世尊願爲弟子佛言善來比丘即成沙門

得羅漢道村人大小皆得道迹莫不歡喜

法句譬喻經愛身品第二十

昔有一國名多摩訶羅去城七里有精舍五百沙門常處其中讀經行道有一長老比丘名摩訶盧爲人聞塞五百道人傳共教之數年之中不得一偈衆共輕之不將同會常守

精舍勅令掃除後日國王請諸道人入宮供  
養摩訶盧比丘自念言我生世間閼塞如此  
不知一偈人所薄賤用是活爲即持繩至後  
園中大樹下欲自絞死佛以道眼遙見如是  
化作樹神半身人現而訶之曰咄咄比丘何  
爲作此摩訶盧即具陳辛苦化神訶曰勿得  
作是且聽我言昔迦葉佛時卿作三藏沙門  
有五百弟子自以多智輕慢衆人憐惜經義  
初不訓誨是以世所生諸根闇鈍但當自  
責何爲自殘於是世尊現神光像即說偈言  
自愛身者慎護所守希望欲解學正不寐  
身爲第一當自勉學利乃誨人不倦則智  
學先自正如後正人調身入慧必遷爲上  
身不能利安能利人心調體正何願不至  
本我所造後我自受爲惡自更如鋼鑽珠  
摩訶盧比丘見佛現身光像悲喜悚慄稽首  
佛足思惟偈義即入定意尋在佛前逮得羅  
漢道自識宿命無數世事三藏衆經即貫在

心佛語摩訶盧着衣持鉢就王宮食在五百  
道人上坐此諸道人是卿先世五百弟子還  
爲說法令得道跡並使國王明信罪福即受  
佛教徑入宮裏坐於上座衆人心恚惄其所  
以各護王意不敢訶譴念其愚冥不曉達觀  
心爲之疲王便下食手自斟酌摩訶盧即爲  
達觀音如雷震清詞雨下座上道人驚怖自  
悔皆得羅漢爲王說法莫不解釋群臣百官  
皆得須陀洹道

昔佛在舍衛國有五百婆羅門常求佛便欲  
誹謗之佛三達之智普見人心愍欲度之其  
果未熟因緣未到一切罪福欲來至時自作  
因緣而迎罪福此諸梵志宿有微福應當得  
度福德率之自作方宜五百梵志自共議言  
當使屠兒殺生請佛及諸衆僧佛必受請讚  
歎屠兒吾等便前而共譏之於是屠兒爲之  
請佛佛即受請告屠兒言果熟自墮福熟自  
度屠兒還歸供設飯食佛將諸弟子到屠兒

村中至檀越舍梵志大小皆共歡喜今日乃得佛之便耳若當讚檀越福德者當以其前後殺生作罪持用譏之佛若當說其由來之罪者當以今日之福難之二宜之中今乃得佛便耳佛到即坐行水下食於是世尊觀察衆心應有度者即出舌覆面舐耳放大光明

照一城內即以梵聲說偈呪願

如真人教以道活身愚者嫉之見而爲惡行惡得惡如種苦種惡自受罪善自受福亦各自熟彼不相代習善得善亦如種甜佛說嚮已五百梵志意自開解即前禮佛五體投地又手白佛頑愚不及未達聖訓唯願愍育得爲沙門佛即聽受皆爲沙門村人大小見佛變化莫不歡欣皆得道迹稱之賢里無復屠兒之名佛食畢訖即還精舍法句譬喻經廿俗品第二十一

昔有婆羅門國王名多味寫其王奉事異道九十六種王歎一日發於善心欲大布施如

婆羅門法積七寶如山持用布施有來乞者聽令自取重一撮去如是數日其積不減佛知是王宿福應度化作梵志往到其國王出相見禮問起居曰何所求索莫自疑難梵志答曰吾從遠來欲乞珍寶持作舍宅王言大善自取重一撮去梵志取一撮行七步還著

跋五

五

故處王問何故不取梵志答曰此裁足作舍廬耳後當取婦俱不足用是以不取王言更取三撮梵志即取行七步復還著故處王問梵志何以復余答曰此足取婦復無田地奴婢牛馬計復不足以息意也王言更取七撮梵志即取行七步復還著故處王言復何意故梵志答言若有男女當復嫁娶吉凶用費計不足用是以不取王言盡以積寶持用相上梵志受而捨去王甚恠之重問意故梵志答曰本來乞丐欲用生活諦念人命處世無幾萬物無常旦夕難保因緣迷重憂苦日深積寶如山無益於己貪欲規圖唐自艱苦

不如息意求無爲道是以不取王意開解願  
奉明教於是梵志現佛光相踊住空中爲說  
偈言

雖得積珍寶 莳高至於天 如是滿世間  
不如見道跡 不善像如善 愛如似不愛  
以苦爲樂像 狂夫爲所滅

於是國王見佛光相明照天地又聞此偈踊  
躍歡喜王及群臣即受五戒得須陀洹道

法句譬喻經述佛品第二十二

昔佛在摩竭提界善勝道場元吉樹下德力  
降魔坐自惟曰甘露法鼓聞於三千昔父王  
遣五人供養麻米執持有勞功報應叙此五

人者在波羅奈國於是如來從樹下起相好  
嚴儀明暉天地威神震動見者喜悅至波羅  
奈國未至中道逢一梵志名曰優呼辭親離  
家求師學道瞻覩尊妙驚喜交集下在道側  
舉聲歎曰威靈感人儀雅挺特本事何師乃  
得斯容佛爲優呼而作頌曰

八正覺自得 無離無所染 愛盡破欲網  
自然無師受 我行無師保 志獨無伴侶  
積一得作佛 從是通聖道

優呼聞偈悵惘不解即問世尊瞿曇如行佛  
告梵志欲詣波羅奈國擊甘露法鼓轉無上  
輪三界聖衆未曾有轉法輪遷人入涅槃如

跋五

六

我今者也優呼大喜善哉善哉如佛言者願  
開甘露如應說法梵志揖已即便過去未到  
師所於道路宿至其夜半卒便命終佛以道  
眼見其已終愍傷之曰世間愚癡謂命有常  
見佛捨去而獨喪亡法鼓震動而獨不聞甘  
露滅苦而獨不嘗展轉五道生死彌長經歷  
劫數何時得度佛以慈愍而說偈言

見諦淨無穢 已度五道淵 佛出照世間  
爲除衆憂苦 得生人道難 生壽亦難得  
世間有佛難 佛法難得聞

佛說此偈時空中五百天人聞偈歡欣皆得  
須陀洹道

昔羅閱祇南四千里有國奉事梵志數千人時國大旱三年不雨禱祠諸神無所不過王問梵志問其所由諸梵志言吾等當齋戒訖竟當遣人與梵天相聞問其災異王言大善齋戒所乏願見告示諸梵志言當得二十車薪酥蜜膏油華香幡蓋金銀祭器盡用須之

王即辦遂出至城外去城七里平廣之地積薪如山共相推獎其有不惜身者終生梵天

選得七人當就火燒遣至梵天七人受祭呢願訖跋使上薪從下放火當燒殺之烟焰炯然熱氣直至七人惶懼左右求救無有救者舉聲曰三界之中寧有大慈愍念我厄者願

跋五

七

受自歸佛遙知之尋聲往救在虛空中顯現相好七人見佛悲喜跳踊唯願自歸救我痛熱於是世尊即說偈言

或多自歸山川樹神脣立圖像禱祠求福自歸如是非吉非上彼不能來度汝衆苦如有自歸佛法僧衆道德四諦必見正慧

生死極苦從諦得度度世八難斯除衆苦自歸三尊最吉最上唯獨有是度一切苦佛說偈訖火聲尋滅七人獲安心喜無量梵志國人莫不驚悚仰瞻世尊光相赫奕分身散體東沒西現存亡自由身出水火五色晃昱衆人見之五體歸命於是七人從薪下出悲喜交集而說偈言

見聖人快得依附快得離愚人爲善獨快守正見快互說法快與世無諍戒具常快依賢居快如親親會近仁智者多聞高遠於是七人說此偈已及諸梵志願爲弟子佛即受之皆爲沙門得羅漢道國王臣民咸各

修道天尋大雨國豐民寧道化興隆莫不樂聞法句譬喻經安寧品第二十三

昔羅閱祇東南三百里有山民村五百餘家爲人剛強難以道化宿世福願應蒙開度於是世尊化作沙門至村分衛分衛畢竟出於村外樹下坐定入泥洹三昧至于七日不喘

不息不動不轉村人見之謂爲命終共相謂  
言沙門已死當共葬送各持束薪就往燒之  
火燃薪盡佛從座起現道神化光明照耀感  
動十方現變畢訖還坐樹下容體靜安怡悅  
如故村人大小莫不驚懼稽首謝曰山民頑  
野不識神人妄以薪火加於未然自惟獲罪

重於太山唯垂慈赦不咎其怨不審神人得  
無傷病乎將無愁慼乎將無飢渴乎將無熱  
惱乎於是世尊和顏含笑而說偈言

我生已安 不愠於怨 衆人有怨 我行無怨  
我生已安 不病於病 衆人有病 我行無病  
我生已安 不惑於憂 衆人有憂 我行無憂

默五

八

我生已安 清淨無爲 以樂爲食 如光音天  
我生已安 恬淡無事 弥薪團火 安能燒我  
余時村中五百人聞說偈已皆作沙門得羅  
漢道村人大小皆信三尊佛與五百人飛還  
竹園賢者阿難見佛與得道者俱來前白佛  
言此諸比丘有何異德乃使世尊自往臨度

佛告尊者阿難我未下爲佛時世有辟支佛  
常處是山去村不遠在一樹下欲般泥洹現  
道神德便取滅度村人持薪火就往燒之  
取舍利著寶瓶中埋在山頂各共求願願後  
得道如是沙門滅度快樂也緣此福故應當  
得道是故如來往度之耳佛說是時天人無

數皆得道跡

昔佛在舍衛精舍時有四比丘坐於樹下共  
相問言一切世間何者最苦一人言天下之  
苦無過婬欲一人言世間之苦無過饑渴一  
人言世間之苦無過瞋恚一人言天下之苦  
莫過驚怖共諍苦義云云不止佛知其言往  
到其所問諸比丘屬論何事即起作禮具白  
所論佛言比丘汝等所論不究苦義天下之  
苦莫過有身飢渴寒熱瞋恚驚怖色欲怨禍  
皆由於身夫身者衆苦之本患禍之源勞心  
極慮憂畏萬端三界蠕動更相殘賊吾我縛

默五

正

第九一冊

攝心守正怕然無想可得泥洹此爲寂樂於是世尊即說偈言

熱無過姪 毒無過怒 苦無過身 樂無過滅  
無樂小樂 小辯小慧 觀求大者 乃獲大安  
我爲世尊 長解無憂 正度三界 獨降衆魔  
佛說偈已告諸比丘往昔久遠無數世時有  
五通比丘名精進力在山中樹下閑寂求道  
時有四禽依附左右常得安隱一者鵠二者  
鳥三者毒蛇四者鹿是四禽者晝行求食暮  
則還宿四禽一夜自相問言世間之苦何者  
爲重鳥言飢渴最苦飢渴之時身羸目冥神  
識不寧投身羅網不顧鋒刃我等喪身莫不  
由之以此言之飢渴爲苦鵠言姪欲最苦色  
欲熾盛無所顧念危身滅命莫不由之毒蛇  
言瞋恚最苦毒意一起不避親疎亦能殺人  
復能自殺鹿言驚怖寂苦我在林野心恒怵  
惕畏懼獵師及諸豺狼琴瑟有聲奔投坑岸  
母子相捐肝膽掉擗以此言之驚怖爲苦比

丘聞之即答之曰汝等所論是其末耳不究  
苦本天下之苦無過有身身爲苦器憂畏無  
量吾以是故捨俗學道滅意斷想不貪四大  
欲斷苦源志存泥洹泥洹道者寂滅無形憂  
患永畢尔乃大安四禽聞之心即開解佛告  
比丘尔時五通比丘則吾身是時四禽者今  
汝四人是也前世已聞苦本之義如何今日  
方復云云比丘聞之慚愧自責即於佛前得  
羅漢道

#### 法句譬喻經好喜品第二十四

昔佛在舍衛精舍時有四新學比丘相將至  
奈樹下坐禪行道奈花榮茂色好且香因相  
謂曰世間萬物何者可愛以快人情一人言  
仲春之月百木榮茂遊戲原野此最爲樂一  
人言宗親吉會觴酌交錯音樂歌舞此最爲  
樂一人言多積財寶所欲即得車馬服飾與  
衆有異出入光顯行者矚目此最爲樂一人  
言妻妾端正綵服鮮明香熏芬馥恣意縱情

此最爲樂也佛知四人應可化度而走意六欲不惟無常即呼四人而問之曰屬坐樹下共論何事四人實具白所樂佛告四人汝等所論盡是憂畏危亡之道非是求安最樂之法也萬物春榮秋冬衰落宗親歡娛皆當別離財寶車馬五家之分妻妾羨色愛增之主

也凡夫處世興招怨禍危身滅族憂畏無量三塗八難苦痛萬端靡不由之矣是以比丘捨世求道志存無爲不貪榮利自致泥洹乃爲最樂於是世尊即說偈言

愛喜生憂 愛喜生畏 無所愛喜 何憂何畏

好樂生憂 好樂生畏 無所好樂 何憂何畏

貪欲生憂 貪欲生畏 解無貪欲 何憂何畏  
貪法戒成 至誠知慙 行身近道 爲衆所愛  
欲態不生 思正乃語 心無貪愛 必截流度  
佛告四比丘昔有國王名曰普安與鄰國四  
王共爲親友請此四王宴會一月飲食娛樂  
快樂無比臨別之日普安王問四王曰人居

世間以何爲樂一王言遊戲爲樂一王言宗親吉會音樂爲樂一王言多積財寶所欲如意爲樂一王言愛欲恣情此則爲樂普安王言卿等所論是苦惱之本憂畏之源前樂後苦憂悲萬端皆由此興不如寂靜無求無欲淡泊守一得道爲樂四王聞之歡喜信解佛

歌五

上

告比丘余時普安王者我身是也四王者汝四人是也前已論之今故不解生死達蔓何由休息時四比丘重聞此義慚愧悔過心意開悟滅意斷欲得羅漢道

法句譬喻經忿怒品第二十五

昔佛在羅閱祇者闍崛山中時調達與阿闍世王共議毀佛及諸弟子王勑國人不得奉佛衆僧分衛不得施與時尊者舍利弗尊者目連尊者迦葉尊者須菩提等及波和提比丘尼等各將弟子去到他國唯佛與五百羅漢住着闍崛山中調達往至阿闍世王所與王議言佛諸弟子今已逃散尚有五百弟子

在佛左右願王明日請佛入城吾當飲五百大象令醉佛來入城驅使醉象令踏殺之盡斷其種吾當作佛教化世間阿闍世王聞之歡喜即到佛所稽首作禮白佛言明日設薄施願屈世尊及諸弟子於宮內食佛知其謀答言大善明日當往王退而去還語調達佛

已受請當合前計飲象令醉伺候待之明日

食時佛與五百羅漢共入城門五百醉象鳴鼻而前撈摸牆壁樹木摧折行人驚怖一城戰慄五百羅漢飛在空中獨有尊者阿難在佛邊住醉象齊頭徑前趣佛佛因舉手五指應時化爲五師子王同聲俱吼震動天地於是醉象屈膝伏地不敢舉頭酒醉尋解垂淚悔過王及臣民莫不驚肅世尊徐前至王殿上與諸羅漢食訖呪願王白佛言稟性不明信彼讒言興造逆惡圖爲不軌願垂大慈恕我迷愚於是世尊告阿闍世及諸大衆世有八事興長誹謗皆由名譽又貪利養以致大

罪累劫不息何等爲八利衰毀譽稱譏苦樂自古至今渺不爲惑於是世尊即說偈言人相謗毀自古至今既毀多言又毀訥訥亦毀中和世無不毀欲意誹聖不能折中一毀一譽但爲利名明智所譽唯稱正賢慧人守戒無所譏謗如羅漢淨莫而誣謗

默五

十二

諸天咨嗟 梵釋所稱

佛說偈已重告王曰昔有國王喜食鴈肉常遣獵師張網捕鴈日送一鴈以供王食時有鴈王將五百鴈飛下求食鴈王墮網爲獵師所得餘鴈驚飛徘徊不去時有一鴈連鬪追隨不避弓矢悲鳴吐血晝夜不息獵師見之感憐其義即放鴈王令相隨去群鴈得王歡喜迴遶余時獵師具以白王王感其義斷不捕鴈佛告阿闍世王余時鴈王我身是也一鴈者賢者阿難是也五百群鴈今五百羅漢是也食鴈國王者今大王是也時獵師者今調達是也前世已來常欲害我我以大慈之

力因而得濟不念怨惡自致得佛佛說是時  
王及群臣莫不歡喜

法句譬喻經塵垢品第二十六

一人無有兄弟爲小兒時父母憐愛赤心悽  
慘欲令成就將詣師友勸之書學其兒驕蹇  
永不用心朝受暮奔初不誦習如是積年無

所知識父母呼歸令治家業其兒驕誕不念  
勤力家道遂窮衆事弛廢其兒放縱無所顧  
錄標賣家物快心恣意亂頭徒跣衣服不淨  
憚貪捨不避耻辱愚癡自用人所惡賤國  
人咸憎謂之兇惡出入行步無與語者不自  
知惡反咎衆人上怨父母次責師友先祖神

跋五

十三

靈不肯祐助使我滯滯輒如此不如事佛  
可得其福即到佛所爲佛作禮前白佛言佛  
道寬弘無所不容願爲弟子乞蒙聽許佛告  
此人夫欲求道當行清淨行汝賚俗垢入我  
道中唐自去就何所長益不如歸家孝事父  
母誦習師教沒命不忘勤修居業富樂無憂

以禮自將不犯非宜沐浴衣服慎於言行執  
心守一所作事辦改行精修人所歎慕如此  
之行乃可爲道耳於是世尊即說偈言  
不誦爲言垢 不勤爲家垢 不嚴爲色垢  
放逸爲事垢 慢爲惠施垢 不善爲行垢  
今世亦後世 惡法爲常垢

垢中之垢 莫甚於癡 學當捨此 比丘無垢  
其人聞偈自知憍癡即承佛教歡喜還歸思  
惟偈義改悔自新孝事父母尊敬師長誦習  
經道勤修居業奉戒自攝非道不行宗族稱  
孝鄉黨稱悌善名遐布國內稱賢三年之後  
還至佛所五體作禮懇惻自陳尊教至真得

金形體棄惡爲善上下蒙慶願垂大慈接度  
爲道佛言善哉鬚髮尋落即成沙門內恩止  
觀四諦正道精進日證得羅漢道

法句譬喻經奉持品第二十七

昔有長老婆羅門名薩遮尼捷才明多智國  
中第一有五百弟子貢高自大不顧天下以

鐵鎧鎧腹人問其故答曰恐智溢出故也聞佛出世道化明遠心懷妬嫉寤寐不安語諸弟子吾聞瞿曇沙門自稱爲佛今當往問深妙之事令其心憚不知所陳即與弟子往到祇洹列住門外遙見世尊威光赫奕如日初出五情驚踊喜懼交錯於是徑前爲佛作禮

佛命就坐訖尼捷問佛言何謂爲道何謂

爲智何謂爲長老何謂爲端正何謂爲沙門何謂爲比丘何謂爲仁明何謂爲奉戒若能解答願爲弟子於是世尊觀其所應以偈答言常愍好學正心以行權懷寶慧是謂爲道

默五  
十四

所謂智者不必辯言無恐無懼守善爲智

所謂老者不以年耆形熟髮白憒愚而已謂懷諦法順調慈仁明達清潔是爲長老所謂端正非色如華貪嫉虛飾言行有違謂能捨惡根源已斷慧而無恚是謂端正所謂沙門不必除髮妾語貪取有欲如凡謂能止惡恢廓弘道息心滅意是謂沙門

所謂比丘非時乞食邪行望彼求名而已謂捨罪業淨修梵行慧能破惡是爲比丘所謂仁明非口不言用心不淨外順而已謂心無爲內行清虛此彼寂滅是爲仁明所謂有道非救一物普濟天下無害爲道奉持法者不以多言雖素少聞身依法行

守道不忘是爲奉法

薩遮尼捷及五百弟子聞佛此偈歡喜開解棄捐貞高皆作沙門尼乾一人發菩提心五百弟子皆得羅漢道

### 法句譬喻經道行品第二十八

昔有婆羅門年少出家學至年六十不能得

道婆羅門法六十不得道然後歸家娶婦爲居生得一男端正可愛至年十七歲書學聰了才辯出口有踰人之操卒得重病一宿命終梵志憐惜不能自勝伏其屍上氣絕復甦親族諫喻強奪殯殮埋著城外梵志自念我今啼泣計無所益不如往至閻羅王所乞索兒

命於是梵志沐浴齋戒賚持華香發舍而去  
所在問人間羅王所治處爲在何許展轉前行數千里至深山中見諸得道梵志復問如前諸梵志問曰卿問閻羅王所治處欲求何等答言我有一子慧辯過人近日卒亡悲窮懊惱不能自解欲至閻羅王所乞索兒命還

將歸家養以備老諸梵志等愍其愚癡即告之曰閻羅王所治處非生人可得到也當示卿方宜從此西行四百餘里有大川其中有城此是諸天神案行世間停宿之城閻羅王常以月八日案行必過此城卿持齋戒往必見之梵志歡喜奉教而去到其川中見好城郭宮殿屋宇如忉利天梵志詣門燒香翹腳呪願求見閻羅王閻羅王勑見問之梵志啓言晚生一男欲以備老養育七歲近日命終唯願大王垂恩布施還我兒命閻羅王言所求大善卿兒今在東園中戲自往將去梵志即往見兒與諸小兒共戲即前抱之向之啼

泣曰我晝夜念汝食寐不甘汝寧念父母辛苦以不小兒驚喚逆呵之曰癡駛老公不達道理寄住須臾名人爲子勿妄多言不如早去今我此間自有父母邂逅之間唐自抱乎梵志悵然悲泣而去即自念言我聞瞿曇沙門知人魂神變化之道當往問之於是梵志即還佛所時佛在舍衛祇洹爲大衆說法梵志見佛稽首作禮具以本末向佛陳之實是我兒不肯見名反謂我爲癡駛老公寄住須臾認我爲子永無父子之情何緣乃尔佛告梵志汝實愚癡人死神去便更受形父母妻子因緣會居譬如寄客起則離散愚迷縛著計爲已有憂悲苦惱不識根本沉溺生死未央休息唯有慧者不貪恩愛覺苦捨集勤修經戒滅除諸想生死得盡於是世尊即說偈言人營妻子不觀病法死命卒至如水湍驟父子不救餘親何望命盡枯親如盲守燈慧解是意可修經戒勤行度世一切除苦

默五

遠離諸淵 如風却雲 已滅思想 是爲知見  
 智爲世長 淡樂無爲 知受正教 生死得盡  
 梵志聞偈燭然意解知命無常妻子如客稽  
 首委質願爲沙門佛言善哉鬚髮自落法衣  
 在身即成比丘思惟偈義滅愛斷想即於座  
 上得阿羅漢道

## 法句譬喻經廣衍品第二十九

昔佛在舍衛國說法教化天龍鬼神帝王人  
 民三時往聽彼時國王名波斯匿爲人驕慢  
 放恣情欲目惑於色耳亂於聲鼻著馨香口  
 恣五味身受細滑飲食極羨初無厭足食遂  
 進多恒苦飢虛厨膳不廢以食爲常身體肥  
 盛乘輶不勝卧起呼吸但苦短氣氣閉息絕  
 經時驚覺坐起呻吟恒苦身重不能轉側以  
 身爲患便勑嚴駕往到佛所侍者扶持問訊  
 却坐叉手白佛言世尊違遠侍觀詣受無階  
 不知何罪身爲自肥不能自覺何故使余每  
 自憲之是以違替不數禮觀佛告大王人有

五事令人常肥一者數食二者喜眠三者惰  
 樂四者無愁五者無事是爲五事喜令人肥  
 若欲不肥減食鹿燥然後乃瘦於是世尊即  
 說偈言

人當有念意 每食知自省 從是痛用薄  
 節消而保壽

獸五

七

王聞此偈歡喜無量即呼厨士而告之曰受  
 誦此偈若下食時先爲我說然後下食王辭  
 還宮厨士下食輒便說偈王聞偈喜食減一  
 餃食轉減少遂以身輕即瘦如前自見如此  
 歡欣念佛即起步行到佛所爲佛作禮佛  
 命令坐而問王曰車馬人從今爲所在也何  
 緣步行王喜白佛前得佛教奉行如法今者  
 身輕世尊之力是以步來知爲何如佛告大  
 王世人如此不知無常長身情欲不念爲福  
 人死神去身留墳塚智者養神愚者養身若  
 能解此奉修聖教於是世尊重說偈言

人之無常 老如特牛 但長肌肥 無有智慧

生死無聊 往來艱難 意猗貪身 更苦無端  
慧人見苦 是以捨身 痴意斷欲 愛盡無生  
王重聞偈欣然意解 即發無上正真道意聽  
者無數即得法眼

昔有七比丘 入山學道十二年中不能得道  
自共議言學道甚難歟 形執節不避寒苦終  
身乞食受辱難堪道卒巨得罪難可除唐自  
勞勤殞命山中不如歸家修立門戶娶妻養  
子廣爲利業快心樂意安知後事於是七人  
即起出山佛遙知之應當得度不忍小苦終  
墮地獄甚可憐傷佛即化作沙門往到谷中  
逢七比丘化人問曰父承學道何以來出七  
人答言學道勤苦罪根難拔分衛乞食受辱  
難堪又此山中無供養者璣璣積年恒守儉  
約唐自困苦道不可得且欲還家廣求利業  
大作資財投老求道化沙門言且止聽我所  
言人命無常旦夕不保學道雖難前苦後樂  
居家艱難億劫無息妻子會止願同安利欲

望永樂不遭患難是猶治病服毒有增無損  
也三界有形皆有憂惱唯有信戒心無放逸  
精進得道衆苦永畢於是化沙門現佛身相  
光像巍巍即說偈言

學難捨罪難 居止家亦難 會止同利難  
艱難無過有

默五十八

比丘乞求難

十六

何可不自勉

精進得自然 終無欲於人 有信則戒成  
從戒多致寶

亦從得諧偶 在所見供養

一坐一處卧 一行不放恣 守一以正心

必樂居樹間

於是七比丘見佛身相又聞此偈慙怖戰慄  
五體投地稽首佛足攝心悔過作禮而去還  
入山中殞命精進思惟偈義守一正心閑居  
寂滅得羅漢道

法句譬喻經地獄品第三十

昔舍衛國有婆羅門師名不蘭迦葉與五百  
弟子相隨國王人民莫不奉事佛初得道與  
諸弟子從羅閱祇至舍衛國身相顯赫道教

清美國王中宮率土人民莫不奉敬於是不蘭迦葉起嫉妬意欲毀世尊獨望敬事即將弟子見波斯匿王而自陳曰吾等長老先學國之舊師沙門瞿曇後出求道實無神聖自稱爲佛而王捨我欲專奉之今欲與佛揔試道德知誰爲勝勝者王便終身奉之王言大

善王即嚴駕往到佛所禮畢白言不蘭迦葉欲與世尊揔盡道力不審世尊爲可余不佛言大佳結期七日當揔變化王於城東平廣好地立二高座高四十丈七寶莊校施設幢幡整頓座席二座中間相去二里二部弟子各坐其下國王群臣大衆雲集欲觀二人揔

默五

十九

其神化於時不蘭迦葉與諸弟子先到座所登梯而上有鬼神王名曰般師見迦葉等虛妄嫉妒即起大風吹其高座坐具顛倒幢幡飛揚雨沙礫石眼不得視世尊高座帖然不動佛與大衆庠序而來方向高座忽然已上衆僧一切寂然次坐王及群臣加敬稽首白

於是金剛力士舉金剛杵杵頭出火以擬迦葉何以不現卿變化乎迦葉惶怖投座而走五百弟子奔播迸散世尊威顏容不欣戚還於是到祇樹給孤獨園國王群臣歡喜辭還於是不蘭迦葉與諸弟子受辱而去去至道中逢一老優婆夷字魔尼逆罵之曰卿等群愚不自忖度而欲與佛比揔道德狂恩欺誑不知羞耻亦不須持此面目行於世間也不蘭迦葉與諸弟子至江水邊詬諸弟子我今投水必生梵天若我不還則知彼樂諸弟子待之不還自共議言師必上天我何宜住一一投水冀當隨師不知罪牽皆墮地獄後日國王

聞其如此甚驚惟之往到佛所白佛言不蘭迦葉師徒迷愚何緣乃爾佛告王曰不蘭迦葉徒重罪有二一者三毒熾盛自稱得道二者毀謗如來欲望敬事以此二罪應墮地獄殃咎催逼使其投河身死神去受苦無量是以智者守攝其心內不興惡外罪不至譬如今邊城與寇連接守備牢固無所畏懼內人安隱外寇不入智者自護亦復如是於是世尊即說偈言

妄證求賂 行已不正 犯譖良人 以枉治世  
罪牽斯人 身投於坑 如備邊城 中外牢固  
自守其心 非法不生 行缺致憂 令墮地獄

獸五

二十一

佛說偈已重告王曰乃往昔時有二獮猴王各主五百獮猴一王起嫉妬意欲殺一王規圖獨治便往共鬭數數不如羞慚退去到大海邊海曲之中有水聚沫風吹積聚高數百丈獮猴王愚癡謂是雪山語群輩言久聞海中有大雪山其中快樂甘果恣口今日乃見

### 法句譬喻經卷第三

獸五

鵠胡鴟反也 鋼鑽上音剛下昌近反也 呵譴下丘現責也達嚙

比云財施禮縷力主藍下祇神只獎子兩反

### 法句譬喻經卷第四

獸六

西晉沙門法炬共法立譯

### 象喻品第三十一

昔者羅云未得道時心性麁獣言少誠信佛勑羅云汝往到賢提精舍中住守口攝意勤修經戒羅云奉教作禮而去住九十日慚愧

吾當先到往行看視若審樂者不能復還若不樂者當來語汝於是上樹尽力跳騰投聚沫中溺沒海底餘者恠之不出謂必大樂一投中斷群溺死佛告王曰爾時嫉妒獮猴王者今不蘭迦葉是也彼一獮猴王者我身是也不蘭迦葉前世坐懷嫉妒爲罪所牽自投聚沫絕群斷種今復誹謗尽投江河罪對使然累劫無限王聞信解作禮而去

末